

大方等大集月藏經

第六

九十五  
陶六

47720



皇圖

萬

帝

佛

日

轉

山城州天安寺法金剛院置

元祿六年丙子二月日重脩



大方等大集尸藏經卷第六

高齊天竺三藏那連提耶舍譯

陶楊茂

諸惡鬼神得敬信品第八下

諸仁者於彼何者是禪清淨平等有禪聲聞  
緣覺如來共有禪緣覺如來共不共聲聞有  
如來禪不共聲聞緣覺有如來禪共聲聞緣  
覺一切衆生

諸仁者於彼何禪聲聞緣覺如來共若有衆  
生求樂離苦觀後世畏是人修行布施清淨  
平等時若有正趣正發心者應到其所起卑  
下心隨順供養從彼人邊得聞正法聞已知  
義如法修行心樂離欲流注相續是人得離



諸欲惡不善法有覺有觀離生喜樂入初禪  
無覺無觀定生喜樂入第二禪離喜行捨念  
增上正知入第三禪捨苦捨樂先滅憂喜不  
苦不樂捨念清淨入第四禪度一切想滅有  
對想不念別異想入無邊虛空處度無邊虛  
空處入無邊識處度無邊識處入無所有處  
度無所有處入非想非非想處度非想非非  
想處入滅受想定諸仁者住初禪者滅音聲  
刺住第二禪者滅覺觀刺住第三禪者滅喜  
刺住第四禪者滅出入息刺住無邊虛空處  
者滅色刺住無邊識處者滅虛空刺住無所  
有處者滅識刺住非想非非想處者滅無所

有刺住滅受想者滅受想刺是名身行得猗  
口行得猗意行得猗八解脫禪士得滅盡定  
到彼岸阿羅漢依此處得四念處四正勤四  
如意足五根五力七覺分八聖道分三解脫  
門四無礙辯依此處得奢摩他毗婆舍那此  
非菩薩行清淨平等不得四攝事四梵住三  
不護四無所畏十力十八不共法一切智智  
是名禪波羅蜜平等聲聞緣覺如來共諸仁  
者若復有人先修緣覺乘退入聲聞乘行聲  
聞行是人入初禪乃至入滅盡定依此定得  
三解脫門四無礙辯不得四攝事四梵住三  
不護乃至不得一切智智是名禪平等聲聞

緣覺如來共諸仁者若復有人先修大乘退  
入聲聞乘是人入初禪乃至入滅盡定得三  
解脫門四攝事四梵住不得三不護乃至不  
得一切智智是名禪平等聲聞緣覺如來共  
諸仁者於彼何禪緣覺如來共不共聲聞若  
有衆生久修聲聞乘後入緣覺乘是人皆來  
未得初禪得已思惟求因緣法乃至得第四  
禪已思惟求因緣法入空無願無相三昧以  
彼三昧思惟捨離證無色定以彼三解脫門  
入滅盡定於一切處思惟求緣覺法是人求  
於因緣第一義三行滅無餘非想受滅是名  
禪平等緣覺如來共不共聲聞若復有人未

學聲聞乘善學緣覺乘是人入初禪思惟求  
因緣法是人依初禪超彼餘禪及無色定入  
三行滅無餘第一義滅定是名禪平等緣覺  
如來共不共聲聞諸仁者若復有人未學聲  
聞緣覺乘先學大乘退入緣覺乘是人入初  
禪於彼禪中思惟求因緣法如是乃至第四  
禪中思惟求因緣法如是四無色定一切處  
思惟求因緣法如是三行滅無餘第一義滅  
定以三解脫門得不可說三昧其處無生無  
滅非證非修非有非無非此岸非彼岸非閻  
非閻非可測非分別非不分別是名佉伽毗  
沙拏劫

佉伽毗沙拏劫  
法佉齊云犀牛  
毗沙拏云角

辟支佛世間獨福田是

名禪清淨平等第一義緣覺如來共不共聲  
聞其處一切生死有海斷行苦苦壞苦斷  
於不可說義能自覺知是名第一義禪清淨  
平等諸仁者於彼何者如來第一義禪清淨  
平等不共聲聞緣覺若如來入初禪不依陰  
入定不依界入定不依以入定不依地界水  
火風界入定不依虛空處界識處界無所有  
處界非想非非想處界入定不依滅界入定  
不依現在及未來世入定不依生不依滅入  
定不依有不依無入定無所依不依所依如  
如來入初禪如是第二第三第四禪虛空處  
界識處界無所有處界非想非非想處界如

是如來入滅界定不依陰入定乃至不依所  
依如來入滅界定是名如來第一義禪清淨  
平等不共聲聞緣覺諸仁者於彼何者是如  
來禪清淨平等共聲聞緣覺一切衆生如來  
入世間初禪乃至入世間第四禪緣覺聲聞  
亦能入世間初禪乃至第四禪一切衆生劫  
欲盡時亦曾能入世間初禪乃至第四禪於  
後惡心因緣退失修禪瞋惡麤獷不觀後世  
畏於諸衆生無有慈愍食其血肉趣三惡道  
復次如如來入世間初禪乃至入世間第四  
禪彼一切衆生若天若人畜生餓鬼地獄衆  
生作是念如來心心數法行在何處住在何

住彼一切衆生乃至虫蟻佛力加故亦如實  
知佛心心數法住於初禪乃至知住第四禪  
此亦是如來禪平等共一切衆生此禪平等  
非一切聲聞辟支佛地是名禪清淨平等諸  
仁者於彼何者智器清淨平等智有二種一  
者世間智二者出世間智諸仁者何者世間  
智其世俗書曲口所言說結集解釋言語  
之道音聲演說文字顯示聞諸論說若書字  
句義若筭若數若印若種種苦行法若學工  
巧事如是所說種種作業隨其所求皆得成  
就諸餘三世俗念作事若觸若受若想若思  
若念如是一切非涅槃器是名世間智器平

等諸仁者於彼何者世間智器平等諸仁者  
世間智器平等者布施持戒忍辱精進禪定  
聞慧智器平等何者世間布施智器平等諸  
仁者若有人乃至盡形休息殺生偷盜邪淫  
妄語飲酒諸放逸處於一切衆生安住慈心  
憐愍心救濟心是涅槃器諸仁者是名世間  
布施智器平等諸仁者於彼何者世間戒智  
器平等諸仁者若於一切衆生具哀愍心觀  
後世畏常住慈心柔軟心利益心無怨讎心  
無嫉妬心無麤獷心無兩舌心無憍逸心安  
住悲心諸仁者是名世間戒智器平等諸仁  
者於彼何者世間忍智器平等諸仁者若聞

衆生種種惡口純麁獷言聞已不取不起卒  
暴不生變濁不現瞋相於諸衆生亦復能忍  
不順言辭音聲所出諸仁者是名世間忍智  
器平等諸仁者若見衆生於其我所作惡作  
過作罪作無利益若壞色若壞聲香味觸若  
壞身若壞命於此衆生常能修忍應如是學  
是諸衆生從無始流轉習貪恚癡離善知識  
未曾修學我近善知識我能修學我求一切  
樂若於一切衆生不起瞋嫌是人得一切樂  
是故於彼一切衆生見已不取不起卒暴不  
生變濁不現瞋相是名世間忍智器平等諸  
仁者於彼何者世間精進智器平等諸仁者

若於衆生勤施不斷及修戒忍精進禪智不  
斷諸仁者是名世間精進智器平等諸仁者  
於彼何者世間禪智器平等諸仁者若入世  
間初禪乃至第四禪入無邊虛空處乃至非  
想非非想處諸仁者是名世間禪智器平等  
諸仁者於彼何者世間聞慧智器平等諸仁  
者若與如是空法相應大乘言教有所堪能  
讀誦受持言辭清淨爲人演說不諂不幻一  
切煩惱惡業障盡知法知義是人於彼言教  
知法知義晝夜精勤求無上智諸仁者是名  
世間聞慧智器平等諸仁者於彼何者出世  
間智器平等諸仁者若善男子不取色受想

行識不取眼色不取眼識不取眼觸不取眼  
觸因緣生若苦若樂不苦不樂如是乃至不  
取意法不取意識不取意觸不取意觸因緣  
生若苦若樂不苦不樂如是不取地界水火  
風界不取虛空界乃至不取非想非非想界  
不取現在及未來世不取善不善不取有漏  
無漏不取聲聞乘不取緣覺乘不取無上大  
乘不取三界不取三乘不取有不取無不取  
無所有無有言說得無緣慈三昧非諸聲聞  
辟支佛地是人以此三昧故能見入首楞嚴  
三昧門次第當得首楞嚴三昧諸仁者是名  
出世間智器清淨平等非決定清淨平等是

方便力求智平等諸仁者於彼何者安住出  
世間一切法器般若一切法界清淨平等諸  
仁者一切法界非肉眼見非天眼見是聖法  
慧眼相應以聖慧門觀諸法界不增不減不  
見諸法有盛有衰不見近遠方所無所至去  
不見有生有滅是人如是見諸法清淨平等  
時更不見衆生有實可得若入衆生不可得  
是人則得入一切法不可得何以故不離衆  
生有一切法不離一切法有衆生其衆生體  
性是一切法體性其一切法體性是衆生體  
性其一切法體性是我體性其我體性是一  
切法體性其一切法體性是佛法體性其佛

法體性是無我界體性其無我界體性是實  
際體性其實際體性是如如體性如是知一  
切法諸仁者是名安住出世間一切法器般  
若一切法界出世間智器清淨平等諸仁者  
於彼何者出世間一切法器清淨平等若菩  
薩摩訶薩如是安住般若入禪定時不見有  
法可得住於禪定而不捨離於一切法境界  
無住無滅無所覺知住於禪定是人不以身  
禪住於禪定不以心禪住於禪定是人住如  
是禪時入於如如實際法界能入諸法無所  
取著超過一切聲聞辟支佛上是人於如是  
禪住於禪定是未決定菩薩能斷一切諸煩

惱見及上煩惱纏若復菩薩能住如是禪者  
則能入於一切諸法入此法時能知衆生善  
惡諸欲而成熟之是人不見衆生不見我人  
壽命衆數生者養育作者使作者起者使起  
者受者使受者是人若復入於如如法界時  
見諸衆生顛倒煩惱以顛倒故受種種苦是  
人如是入於微細如如實際法界是菩薩於  
衆生不見衆生而成熟之衆生非實故衆生  
無衆生故衆生無我故衆生離故衆生無自  
性故衆生不可說故衆生空故衆生無相故  
衆生無願故衆生無作故衆生如性故衆生  
無生故衆生不滅故衆生清淨故而成熟衆

生如是亦不見我乃至不見受者亦不壞事  
是諸法自性相不可說不可說法界一切語  
言文字不能說不可顯示無所有是菩薩以  
大悲故於不可說法而說諸法此有漏此無  
漏此世間此出世間此有罪此無罪此有爲  
此無爲此有煩惱此無煩惱此應修行此應  
捨離此凡夫法此學法此無學法此緣覺法  
此菩薩法此佛法諸仁者是未決定菩薩如  
是安住出世間一切法器般若入一切法界  
清淨平等分別說法菩薩於所說法不見其  
相諸仁者譬如幻者遍虛空界化作種種色  
種種花未曾作事而能現作佛不出世於彼

花中能出如是妙義句味入於法門演法音  
聲作如是事是爲難不時一切天人及鬼神  
衆作如是言大德婆伽婆此事爲難大德修  
伽陀此第一難佛言諸仁者此轉難此第一  
轉難其未決定菩薩於無所屬法如是法無  
色不可見非文字非言說自未知未證未善  
修未自在未到彼岸而能於他衆生除諸煩  
惱而成熟之此爲轉難彼諸衆生於如是甚  
深無言說法未作證聞已不謗此爲第一轉  
難彼諸衆生能碎一切諸煩惱樹任柔軟心  
作業心於一切衆生慈心愍心不害心悲心  
共心同心彼諸衆生以柔軟心故枯竭有海

度煩惱海速入無畏城於如是無言說未作  
證聞已不謗彼亦轉難第一轉難何故汝等  
惡心鬼神不自制心於諸衆生不作柔軟心  
不觀後世畏諸仁者若有住出世間一切法  
器清淨平等三昧菩薩摩訶薩能使一切衆  
生守護六根各任自境豈況不能遮障汝等  
惡心鬼神是善丈夫皆得是法任大慈大悲  
心不惱於他何以故以修大慈大悲方便力  
故不惱於他是諸菩薩入如是甚深法已能  
擲衆生虛空界中多億那由他劫各不相見  
豈況不能制於汝等諸惡鬼神亦復能擲一  
切衆生世界中間大黑闇處乃至能令一切

衆生唯食風食水食土食石是諸菩薩以任  
如是甚深出世間法器清淨平等三昧故能  
令一切衆生於多億劫不食豈況不能制於  
汝等食他衆生精氣血肉諸惡鬼神何故縱  
捨汝等是諸菩薩以大慈大悲方便力故縱  
捨汝等於此四天下所有菩薩摩訶薩安住  
如是甚深出世間法器清淨平等三昧其名  
曰衆自在菩薩慈自在菩薩文殊音菩薩電  
自在菩薩日自在菩薩月自在菩薩地自在  
菩薩想自在菩薩觀自在菩薩水自在菩  
薩如是等萬八千菩薩摩訶薩居此四天下  
彼諸菩薩摩訶薩住此十種第一甚深出世

間一切法器清淨平等何等爲十所謂衆生  
平等法平等清淨平等布施平等戒平等忍  
平等精進平等禪平等般若平等一切法清  
淨平等任此十種第一甚深出世間一切法  
器清淨平等三昧菩薩摩訶薩一一皆能制  
於汝等諸惡鬼神如上所說何故縱捨汝等  
是諸菩薩以修大慈大悲方便力故縱捨汝  
等何況如來應正遍知明行足善逝世間解  
無上士調御丈夫天人師佛世尊諸仁者假  
使一切衆生任如是十種出世間甚深一切  
法器清淨平等如前所說菩薩摩訶薩以一  
如來一念之智勝於彼等何況如來於一切

時以大悲心覆護汝等不生瞋恚亦不棄捨  
如來於一切時憐愍汝等欲令得於利益安  
樂汝等如是無有慚愧不觀後世畏於一切  
衆生作不愍心不柔軟心惡心怨心不慈心  
不悲心汝等不應作是非法欲重明此義而  
說偈言

大雄見如是 無餘鬼神集 即時舉右臂  
宣說如是言 佛出世甚難 法僧亦復難  
衆生淨信難 離諸難亦難 哀愍衆生難  
知足第一難 得聞正法難 能修第一難  
得知難平等 於世常受樂 此十平等處  
智者當速知 初衆生平等 捨離諸惡業

造作諸善業

一切法等等

此清淨平等

亦復不壞我

不奪活命具

非我父母者

我更不觸惱

一切惡風雨

衆生精氣增

不瞋惡眼視

我心利一切

求於諸佛法

久受於勝樂

佛聲聞緣覺

於彼人中得

布施平等喜

不壞諸花果

一切諸衆生

乃至一衆生

豐盛可樂事

常得不損減

不奪他精氣

不瞋有失者

十種善業道

修行法平等

凡夫等如如

遠離取境界

不害他衆生

無有一衆生

曾與我親知

休息於非時

養育諸親知

不氣噓他身

充滿一切樂

爲斷諸煩惱

智者常守護

於世常歡喜

亦不依界入

捨離種種想

智者離分別

如是修忍者

衆星共圍繞

月光照摩尼

今得清淨信

彼衆生次第

林中修忍辱

作兔爲仙人

火變爲蓮池

後得見涅槃

滅諸有支戒

能息於瞋怒

如虛空空故

智者離分別

如是修忍者

海水得盈滿

一切離諸惡

能滿諸佛海

節節支解身

自投身入火

我以彼忍力

不依陰持戒

滅諸有渴愛

如是字言合

離一切分別

譬如空中月

安隱衆中顯

忍照惡心鬼

修於菩提行

我皆作仙人

不起瞋怒心

我以修忍故

成熟多衆生

今諸阿羅漢  
修行為福慧  
修禪及般若  
得任於如如  
不染於諸法  
不見有衆生  
無量菩薩衆  
以任聖般若  
汝等無羞耻  
弊性多剛強  
汝等各應當  
速證大涅槃

無有如是忍  
智海得增滿  
得離諸煩惱  
智者修禪智  
離一切分別  
諸法唯一相  
安任此法性  
如來於汝等  
遠離於慚愧  
見佛大勇猛  
自遮己惡心  
汝等若柔軟

智者常精進  
得成諸佛海  
不分別三界  
出世任實際  
不分別諸法  
得見佛境界  
不惱於汝等  
容恕不為惱  
作惡諸衆生  
皆得柔軟心  
汝等當次第  
得離諸惡業

為護此法故

付囑於汝等

我所說聲聞

具智大名稱

彼憐愍汝等

令得福智慧

當得飲食利

諸天所供養

得於勝任處

及得增壽命

若聞導師語

如說能修行

人天世間中

常受勝樂報

今時世尊於彼諸惡鬼神眾中說法訖時於

彼諸惡鬼神眾中彼惡鬼神皆於佛法作決

定信彼於後時近惡知識心見他過以是因

緣生惡鬼神彼九十二那由他百千諸惡鬼

神得任湏陁洹果億那由他頻婆羅百千諸

惡鬼神皆行大乘者得隨順忍無量阿僧祇

諸惡鬼神得柔軟心得已復發阿耨多羅三

藜三菩提心。介時於彼鬼神衆中有羅刹王名牛王。目與萬羅刹王合掌向佛一心敬禮。而作是言。大德婆伽婆。我等爲瞋使。故久於世間受不愛果。我等今者承佛神力。得自憶念。此賢劫中宿命之事。我等於鳩留孫如來法中。曾得出家。誦持八萬大乘法聚。復誦八萬聲聞法聚。發阿耨多羅三藐三菩提願。我等彼時於阿蘭若。任法比丘所起瞋怒心。以是業障於彼命。終生於地獄。久被燒煮。失念無餘於彼命。終生此食他血肉惡羅刹中。正由我等。咎出家時。共作惡業。今受於此惡羅刹身。爲飲食故。斷無量億那由他百千衆命。

以是我等今於佛所悔諸惡業更不復作如  
是至三至到堅固修行律儀唯願世尊授於  
我等阿耨多羅三藐三菩提記佛言諸仁者  
我不見更有一法遠離菩提心如於阿蘭若  
比丘所而起惡心者諸仁者於未來世此賢  
劫最後如來名曰盧遮彼佛當授汝等勝菩  
提記彼萬羅刹王垂淚而言寧覲地獄不作  
人身於阿蘭若比丘所一念之頃而起惡心  
以彼能斷一切善故何況數數而起惡心亦  
時復有諸惡鬼神敬信三寶任柔輒心觀後  
世畏一切同音而作是言大德婆伽婆我等  
從今休息諸惡懺悔過去一切惡業我等今

當食花食香食果食水食風食法食喜更不  
惱他護持佛法受佛付囑爲久任故及受世  
尊聲聞弟子任阿蘭若者增上護持佛言善  
哉善哉善丈夫汝等應當如是善受我之付  
囑我今復以汝等付囑賢劫一切菩薩一切  
聲聞彼憐愍汝等於其晝夜作善助道與

善分稱名勸請以是汝等增長精氣大力威  
德及大功能親知眷屬彼彼如是護持我法  
亦復善護阿蘭若任法比丘若大乘小乘如  
是如是精氣增長乃至眷屬如是如是汝等  
作勝供養三世諸佛以此善根能捨惡趣得  
世間樂及涅槃樂

大方等大集經月藏分中諸天王護持品第九  
尔時世尊示世間故問娑婆世界主大梵天  
王言此四天下是誰能作護持養育時娑婆  
世界主大梵天王作如是言大德娑伽婆兜  
率陀天王共無量百千兜率陀天子護持養  
育比鬱單越他化自在天王共無量百千他  
化自在天子護持養育東弗婆提化樂天王  
共無量百千化樂天子護持養育南閻浮提  
須夜摩天王共無量百千須夜摩天子護持  
養育西瞿陀尼大德娑伽婆毗沙門天王共  
無量百千諸夜叉衆護持養育比鬱單越提  
頭賴吒天王共無量百千皀闍婆衆護持養

育東弗婆提毗樓勒天王共無量百千鳩槃  
荼衆護持養育南閻浮提毗樓博义天王共  
無量百千龍衆護持養育西瞿陀尼大德婆  
伽婆天仙七宿三曜三天童女護持養育北  
鬱單越彼天仙七宿者虛危室壁奎婁胃三  
曜者鎮星歲星熒惑星三天童女者鳩槃弥  
那迷沙大德婆伽婆彼天仙七宿中虛危室  
三宿是鎮星土境鳩槃是辰壁奎二宿是歲  
星土境弥那是辰婁胃二宿是熒惑土境迷  
沙是辰大德婆伽婆如是天仙七宿三曜三  
天童女護持養育北鬱單越大德婆伽婆天  
仙七宿三曜三天童女護持養育東弗婆提

彼天仙七宿者昴畢觜參井鬼柳三曜者大  
白星歲星月三天童女者毗利沙彌偷那羯  
迦吒迦大德婆伽婆彼天仙七宿中昴畢二  
宿是太白土境毗利沙是辰觜參井三宿是  
歲星土境彌偷那是辰鬼柳二宿是月土境  
羯迦吒迦是辰大德婆伽婆如是天仙七宿  
三曜三天童女護持養育東弗婆提大德婆  
伽婆天仙七宿三曜三天童女護持養育南  
閻浮提彼天仙七宿者日星張翼軫角亢氐  
三曜者日辰星太白星三天童女者線訶迦  
若兜羅大德婆伽婆彼天仙七宿中星張  
翼是日土境線訶是辰軫角二宿是辰星土

境迦若是辰亢亥二宿是太白土境堯羅是  
辰大德婆伽婆如是天仙七宿三曜三天童  
女護持養育南閻浮提大德婆伽婆彼天仙  
七宿三曜三天童女護持養育西瞿陀尼彼  
天仙七宿者房心尾箕斗牛女三曜者熒惑  
星歲星鎮星三天童女者毗離支迦檀菟婆  
摩伽羅大德婆伽婆彼天仙七宿中房心二  
宿是熒惑土境毗利支迦是辰尾箕斗三宿  
是歲星土境檀菟婆是辰牛女二宿是鎮星  
土境摩伽羅是辰大德婆伽婆如是天仙七  
宿三曜三天童女護持養育西瞿陀尼大德  
婆伽婆此四天下南閻浮提最為殊勝何以

故閻浮提人勇健聰慧梵行相應佛婆伽婆  
於中出世是故四大天王於此倍增護持養  
育此閻浮提有十六大國謂鴛伽摩伽陀國  
傍伽摩伽陀國阿槃多國支提國此四大國  
毗沙門天王與夜叉衆圍遶護持養育迦尸  
國都薩羅國婆蹉國摩羅國此四大國提頭

賴吒天王與軋闍婆衆圍遶護持養育鳩羅  
婆國毗時國般遮羅國踈那國此四大國毗  
樓勒叉天王與鳩槃荼衆圍遶護持養育阿濕  
婆國蘇摩國蘇羅吒國甘滿闍國此四大國  
毗樓博叉天王與諸龍衆圍遶護持養育大  
德婆伽婆過去天仙護持養育此四天下故

亦皆如是分布安置於後隨其國土城邑村落塔寺園林樹下塚間山谷曠野河泉陂泊乃至海中寶洲天祠於彼郊生胎生濕生化生諸龍夜叉羅刹餓鬼毗舍遮富單那迦吒富單那等生於彼中還任彼處無所繫屬不受他教是故願佛於此閻浮提一切國土彼諸鬼神分布安置為護持故為護一切諸衆生故我等於此說欲隨喜佛言如是大梵如汝所說尔時世尊欲重明此義而說偈言

示現世間故

導師問梵王

於此四天下

誰護持養育

如是天師梵

諸天王為首

兜率他化天

化樂須夜摩

能護持養育

如此四天下

四王及眷屬

亦復能護持

二十八宿等

及以十二辰

十二天童女

護持四天下

隨其所生處

龍鬼羅刹等

不受他教者

還於彼作護

天神等差別

願佛令分布

憐愍衆生故

熾然正法燈

尔時佛告月藏菩薩摩訶薩言了知清淨士

此賢劫初人壽四萬歲時鳩留孫佛出興於

世彼佛為無量阿僧祇億那由他百千衆生

迴生死輪轉正法輪追迴惡道安置善道及

解脫果彼佛以此四大天下付囑娑婆世界

主大梵天王他化自在天王化樂天王兜率

陀天王須夜摩天王等護持故養育故憐愍

衆生故令三寶種不斷絕故熾然故地精氣  
衆生精氣正法精氣久住增長故令諸衆生  
休息三惡道故趣向三善道故以四天下付  
囑大梵及諸天王如是漸次劫盡諸天人盡  
一切善業白法盡滅增長大惡諸煩惱溺人  
壽三萬歲時拘那含牟尼佛出興於世彼佛  
以此四大天下付囑娑婆世界主大梵天王  
他化自在天王乃至四大天王及諸眷屬護  
持養育故乃至令一切衆生休息三惡道趣  
向三善道故以此四天下付囑大梵及諸天  
王如是次第劫盡諸天人盡白法亦盡增長  
大惡諸煩惱溺人壽二萬歲時迦葉如來出

興於世彼佛以此四大天下付囑娑婆世界  
主大梵天王他化自在天王化樂天王兜率  
陀天王須夜摩天王憍尸迦帝釋四天王等  
及諸眷屬護持養育故乃至令一切衆生休  
息三惡道趣向三善道故彼迦葉佛以此四  
天下付囑大梵四天王等及付諸天仙衆七  
曜十二天童女二十八宿等護持故養育故  
了知清淨土如是次第至今劫濁煩惱濁衆  
生濁大惡煩惱濁鬪諍惡世時人壽百歲一  
切白法盡一切諸惡闇翳世間譬如海水一  
味大鹹大煩惱味遍滿於世集會惡黨手執  
鬪醜血塗其掌共相殺害如是惡衆生中我

今出世菩提樹下初成正覺受提謂波利諸  
商人食為彼等故以此閻浮提分布天龍軋  
闍婆鳩槃荼夜叉等護持養育故以是大集  
十方所有佛土一切無餘菩薩摩訶薩等悉  
來集此乃至於此娑婆佛土其處百億日月  
百億四天下百億四大海百億鐵圍山大鐵  
圍山百億須彌山百億四阿脩羅城百億四  
大天王百億三十三天乃至百億非想非  
想處如是略數娑婆佛土我於是處而作佛  
事乃至於娑婆佛土所有諸梵天王及諸眷  
屬魔天王他化自在天王化樂天王兜率陀  
天王須夜摩天王帝釋天王四大天王阿脩

羅王龍王夜叉王羅刹王軋闍婆王緊那羅  
王迦樓羅王摩睺羅伽王鳩槃荼王餓鬼王  
毗舍遮王富單那王迦吒富單那王等悉將  
眷屬於此大集爲聞法故乃至於此娑婆佛  
土所有諸菩薩摩訶薩等及諸聲聞一切無  
餘悉來集此爲聞法故我今爲此所集大衆  
顯示甚深佛法復爲護世間故以此閻浮提  
所集鬼神分布安置護持養育令時世尊復  
問娑婆世界主大梵天王言過去諸佛以此  
四大天下曾付囑誰令作護持養育時娑婆  
世界主大梵天王言過去諸佛以此四天下  
曾付囑我及憍尸迦今作護持而我有失不

彰已名及帝釋名但稱諸餘天王及宿曜辰  
護持養育尔時娑婆世界主大梵天王及憍  
尸迦帝釋頂禮佛足而作是言大德婆伽婆  
大德修伽陀我今謝過我如小兒愚癡無智  
於如來前不自稱名大德婆伽婆唯願容恕  
大德修伽陀唯願容恕諸來大眾亦願容恕  
我於境界言說教令得自在處護持養育乃  
至今諸衆生趣善道故我等曾於鳩留孫佛  
已受教勅乃至今三寶種已作熾然拘那含  
牟尼佛迦葉佛所我受教勅亦如是於三寶  
種已勤熾然地精氣衆生精氣正法味醍醐  
精氣久住增長故亦如我今於世尊所頂受

教勅於己境界言說教令得自在處休息一  
切鬪諍飢饉乃至令三寶種不斷絕故三種  
精氣久任增長故遮障惡行衆生護養行法  
衆生故休息衆生三惡道趣向三善道故為  
令佛法得久任故勤作護持佛言善哉善哉  
妙丈夫汝應如是尔時佛告百億大梵天王  
言所有行法任法順法馱捨惡者今悉付囑  
汝等手中汝等賢首於百億四天下各各境  
界言說教令得自在處所有衆生弊惡麁獷  
惱害於他無有慈愍不觀後世畏觸惱刹利  
心及婆羅門毗舍首陀心乃至觸惱畜生心  
如是作殺生因緣乃至作邪見因緣隨其所

作非時風雨乃至令地精氣衆生精氣正法  
精氣作損減因緣者汝應遮止令住善法若  
有衆生欲得善者欲得法者欲度生死彼岸  
者所有修行檀波羅蜜者乃至修行般若波  
羅蜜者所有行法住法衆生及爲行法營事  
者彼諸衆生汝等應當護持養育若有衆生  
受持讀誦爲他演說種種解說經論汝等當  
與彼諸衆生念持方便得堅固力入所聞不  
忘智信諸法相令離生死修八聖道三昧根  
相應若有衆生於汝境界住法奢摩他毗婆  
舍那次第方便與諸三昧相應勤求修習三  
種菩提者汝等應當遮護攝受勤作捨施勿

令之少若有衆生施其飲食衣服卧具病患  
因緣施湯藥者汝等應當令彼施主五利增  
長何等爲五一者壽增長二者財增長三者  
樂增長四者善行增長五者慧增長汝等長  
夜得利益安樂以是因緣汝等能滿六波羅  
蜜不久得成一切種智時娑婆世界悉大梵  
天王爲首共百億諸梵天王咸作是言如是  
如是大德婆伽婆我等各各於己境界弊惡  
麁獷惱害於他無慈愍心不觀後世畏乃至  
我當遮障與彼施主增長五事佛言善哉善  
哉汝應如是今時復有一切菩薩摩訶薩一  
切諸大聲聞一切天龍乃至一切人非人等

讚言善哉善哉大雄猛士汝等如是法得久  
任令諸衆生得離惡道速趣善道尔時世尊  
欲重明此義而說偈言

我告月藏言

入此賢劫初

鳩留佛付囑

梵等四天下

遮障諸惡故

熾然正法眼

捨離諸惡事

護持行法者

不斷三寶種

增長三精氣

休息諸惡趣

令向諸善道

拘那含牟尼

復囑大梵王

他化化樂天

乃至四天王

次後迦葉佛

復囑梵天王

化樂等四天

帝釋護世王

過去諸天仙

為諸世間故

安置諸宿曜

令護持養育

至於濁惡世

白法盡滅時

我獨覺無上

安置護人民

應當捨說法

一切悉來集

我問大梵王

指示餘天王

我等所王處

增長三精氣

今於大眾前

置我令護持

天王亦來此

誰咎護持者

於時釋梵王

遮障一切惡

遮障諸惡朋

數數惱亂我

十方諸菩薩

娑婆佛國土

帝釋大梵天

謝過導師言

熾然三寶種

護持善朋黨

大方等大集月藏經卷第六

陶

猗

於音及

竿

字音壁

奎

上必亦及

昂

音外

紫

上

斯

反音下

兀

上音口

線

反息里

菟

反如侯

蹉

下七

何

反音下

祠

下音詞

鹹


二同音咸

獨

二音字

醞

二音字



猪飼順良壽附

